

Ibilgailu azpian jarritako bonba batez hil dute gizon bat Bilbon

Hildakoak, Manuel Etxebarriak, droga trafikoarekin zerikusia izan zezakeen

Gizon bat hil zuten atzo Bilbon izandako atentatuan. Manuel Etxebarria hospitalera zeramatera hil zen, furgoneta azpian jarritako lehergailuak eztanda egin ostean. Beste ibilgailu baten azpian jarritako lehergailua indargabetu egin zuen Poliziak.


Z.ZAMAKOLA / BILBO

Atentatua goizeko bederatziak eta bostean izan zen, Bizkaiko hiriburu dagoen Abusu auzoko Ibaialde kalean, 2. zenbakian parean. Pertsona bat hil zen 'Avia 1000' markako eta BI-7722-AG matrikuladun furgoneta mugitu eta azpian ipinitako lehergailuak eztanda egin zionean. Gobernu Zibilararen arabera, bi kilo amonalez osatua zegoen lehergailu hau.

Eztandak Manuel Etxebarria larriki zauritu zuen eta Basurtoko Hospitalera anbulantzia eroan ondoren, bertan hil zen. Etxebarria Bilbon jaioa zen eta Zamakola kalean bizi zen, leherketa izan zen lekutik oso hurbil.

Atentatu berean emakume batek zauri arinak jasan zituen, bera alaba gertu zegoen haurtzaindegi batean utzi ondoren leherketa izan zen lekutik iratean.

Itxura guztien arabera atentatu hau ETak droga trafikatzailen aurka daraman kanpainaren barruan kokatzen da. Hildakoak berak aurrekin kriminalak zituen, Gobernu Zibilar aditza eman zuenez, dirudienez, droga trafikoarekin zerikusia dutenak. Era berean, auzokide batzuen esanetan, jende guztiak zekien Etxebarria trafikatzaila zela.



Avia 100 furgoneta erabat suntsitu zuen lehergailuak.

KEPA

LEHERGAILUA INDARGABETUA ARTXANDAN

Hamarrak eta hogeian, dei bat jaso ondoren poliziako 'Edex' taldea Bilbo ondoan dagoen Artxanda mendira abiatu eta 'El Leon' taberna ondoan aparkatuta zegoen 'Ford Transit' furgoneta azpian lehergailu bat zegoela ikusi zuten.

Dirudienez, tabernako jabeak ohartu ziren ibilgailuak zerbait zeukala eta autoaren jabeak berak, Bilboko Otxarkoaga auzoan bizi den Fernando G.M.k, deitu zion Poliziari aipatu tabernatik.

Lehergailua zela ikusi ostean, Poliziako leherkari talde bereziak eguerdiko hamabiak eta hogeitaz inguruan lortu zuen indargabetzea.

Furgonetako ugazabak banaketa

lanean iharduten zuen eta antza denez, lehergailua ibilgailu azpian zeukala konturatu baino lehen hogeitaz kilometro egin zituen berarekin.

Gobernu Zibileko iturrien arabera, lehergailu honek aurrekoaren sistema bera zuen eztanda egiteko, eta arrazoi ezezagunengatik huts egin zuen.

LEHENENGO GAITZESPENAK SEGITUAN

Atentatua burutu eta berehala agertu ziren lehen gaitzespenak. Garaikoetxea EAko lehendakariak atentatua «gogoz eta indarrez» gaitzetsi ondoren, «gatazka hau, zoritxarrez, konpondu barik» dagoela frogatzen duela eritzi zion. Biolentziaren irtenbidetzat «hauteskundeetan garaitzea» aipatu zuen.

EAJk ere gaitzetsi zuen atentatua eta dei egin zien euskal hiritarrei «gutxiengokoen 'guda' rekin zerikusirik ez duten ume eta pertsonaiegi egindako ekintza bortxatien aurrean geldi geratu ez daitezen».

'Garraxi ixila' erakundeak bere aldetik, zenbati deialdi egin du biharko eta komunikatu baten bidez adierazi zuenez, «ETak auto-lehergailuak Gabonetan petardoak bezala jartzen ditu».

Luis Maria Larrea Bilboko gozaiak gogorazi egin zuen «giza bizitzak suntsitzea kristau etikarekin eta giza etika oinarritzekoarekin bateraezinak» direla, eta Juan Pablo II.aren esana gogorarazi zuen: «terrorismo ekintzak gizateriaren aurkako krimenak dira».

Sobrino enpresariaren semeen irakaslea bahituta izan zuten

MADRIL

Adolfo Sobrino Murias enpresariaren semeek klasea ematen dien irakaslea ordu batzuz izan zuten asteazken gauean bahituta Madril. 'Construcciones Adolfo Sobrino' enpresak Donostian du egoitza eta Irurtzun-Andoain autobidearen Gipuzkoako lanak egiteko enpresa adjudikatutako bat izan zen. Antza denez, enpresa honetako administratzaile bakarra den Adolfo Sobrino Murias zelakoan bahitu zuten Manuel Ruiz irakaslea.

Gauko hamarrak aldera, enpresariaren etxetik irten eta kotxea hartu zuenean eraman zuten pistola zeramaten hiru gaztek euren autoan, bi gizonetako eta emakumezko batek. Aurpegia estali zioten kotxean, bertan zenbait galdera egin, eta beraiek

nahi zuten pertsona ez zela ohartuta, Adolfo Sobrinoren etxean lan egiten duen Manuel Ruiz irakaslea aske utzi zuten Barajas aireportutik gertu.

'Construcciones Adolfo Sobrino' enpresako norbait bahitzea izan zutela helburu pentsatzen da. Leizarrango autobidearen lanen adjudikatzaile ziren sei enpresetako bat izan zen eta besteekin batera, abenduan atzera egin zuen. Ordudunik ez zutela inolako mehatxurik jaso adierazi zuten atzo enpresako iturriek.

Madrilen bertan, Polizia Nazionalako artezilari talde batek bonba-kotxe bat indargabetu eta denbora gutxira izan zen bahiketa hau. Poliziak iturriek aditza eman dutenez, bi ekintza hauek pertsona berdinak eginak izan daitezke, baina gaizkileen gauza izan ote daitekeen ere ikertzen ari dira.

Bonba-kotxe bat indargabetu zuen Poliziak asteazkenean Madril

MADRIL

Madril inguratzen duen M-30 errepidearen ondoan dauden etxebizitza militarren aurrean ipinitako bonba-kotxea indargabetu egin zuen Poliziak asteazken gauean. Poliziako iturrien arabera, lehergailua 30 kilo leherkari baino gehiagoz zegoen osatua.

Bonba-kotxea arratsaldeko bostak laurden gutxiago inguruan aurkitu zuten, Virgen del Puerto kaleko 49. zenbakian parean, 1986an ETak Ricardo Saenz de Ynestrillas komandantea hil zuen lekutik gertu.

Udaltzaingo patruila batek susmagarri eritzi zion M-4615-JL matrikuladun auto gorriari, zegoen lekuan egoteagatik, eta barrura begiratuta butano bonbonak eta kableak ikusi zituzten, beraz, bonba-kotxea izan zitekeela pentsatu zuten.

Poliziako adituak ohartu ziren autoaren matrikula duplikatua zegoela eta matrikula Opel Kadett bati zegokiola ikusi zuten. Auto honen jabeak berretsi egin zuen ez ziotela ez kotxea eta ez matrikularik ohostu.

Polizako 'Tedax' taldeko kideak bertara hurreratzen ziren artean, Poliziak ingurua itxi, bertan aparkatuta zeuden autoak erretiratu eta megafoniaz auzokideei leihoetara ez irtekeela eta. Tedax taldeko partaideak hasera batean lehergailuari eztanda egin erazten ahalegindu ziren, baina azkenean robot bat erabili behar izan zuen indargabetzeko. Poliziaren usiez ETaren ekintza izan den hau Espainiako Legebiltzarrean Estatuaren Egoerari buruzko Eztabaida egiten den unean eman da, Arkauz Arana 'Josu Mondragon' en Ipar Euskal Herrian atxilotu eta bi egunetara.

Jauregi: «Gauzok gerta daitezkeela jakin behar du gizarteak»

GASTEIZ

Ramon Jauregi, PSE-PSOeko idazkari nagusiak eta Gregorio Ordoñez, Gipuzkoako PPko presidentek Herri Batasuna izan zuten aipagai nagusia, atzoko heriozko atentatua baloratzerakoan.

«Inork ez, ezta Herri Batasuna-koek ere, ezin du hau ulertu» esan zuen atzo Ramon Jauregik azken atentatuak aipatuz. Atentatuak hauek «indiskriminatuak» direla uste du Jauregik. «Inoiz ez dute zentzurik izan, baina gero eta ulertezinagoak dira», gehitu zuen.

Azken atentatuek, Jauregiren esanetan, «ETA bere bukaeratik gertu dagoela erakusten dute». «Gauza hauek gerta daitezkeela jakin behar du gizarteak, baina baita amaiera prestatzen ari garela», adierazi zuen PSE-PSOeko idazkari nagusiak.

Ajuria Eneako Hitzarmanaren hurrengo bilera ekarri zuen gogora Jauregik: «egoera hau serenitatez eta epe luzera begira aztertuko dugu, gauza hauek konpondu behar diren bezala». Jauregik aurreratu zuenez, Ajuria Eneako Hitzarmanaren bilera datorren astean izan daiteke. Gregorio Ordoñez, asaldatuta agertu zen prentsa ohar baten bidez. ETArekin amaitzeko modurik onena, bere usiez, Herri Batasuna «isolatzea» da.

Jolas-makinen auzia Legebiltzarreko hurrengo plenora

LUIS KARLOS GARCIA / GASTEIZ

Eusko Legebiltzarreko Bozemaileen Batzordeak atzo iragarri zuenez, datorren apirilaren 11rako deitu duen plenoan B motako saria duten jolas-makinen ustiakuntza berriro ere mahai gainera aterako da, besteak beste. Izan ere, makina hauek ustiakuntzak tasa fiskalengatik ematen dituen herri-diruen sarrei buruzko txostenari talde parlamentariak aurkeztu dizkieten proposamenak ezbaidatuko dira, behin betiko erabakia hartuz ere.

Bestalde, EAEko administrazioetan euskara indarrean jarri eta garatzearren, batzorde parlamentari berezi bat sortzeko, sozialistek egindako ezlegezko proposamen bati helduko zaio ere aipatu plenoan. Bestetik, EITB eta Emakundeko ki-deen izendapenaz arituko dira, garapen autonomikoari buruzko batzorde jakinaren sorreraz PPK eginko ezlegezko proposamenaz gain. Venta-Berriko proiektuaz galdegingo dio Odon Elorza sozialistak Hiritzinta sailburuari.

Apirilaren 19rako ere plenoa konbokatuko duen. RTVEko Aholku-Batzorde eta UPV/EHUKo Kontseilu Sozialeko partaidetza gainera, talde sozialistak aurkezturiko ezlegezko proposamenak azalduko dira, «bingo akumulatua», ikastetxe pribatueta irakasleentzako ordainketa delegatua eta EAEko zonalde kaltetuetarako ez ohizko plan orokorrak, alegia.